

ጳውሎሲ ቲሴሎንቄ አሳሰ ፃፊዳ ናምዓንሉ ኪታ ጋሳ ቆፋ

ኪሪሰቶሳ ናምዓንሉ ዩሳ ቦላ ዴንዲዳ ኦይሾይ ፓላማ መጻፊሽ ቢዳ ጊሾ ቲሴሎንቄ ዋሳ ኬላን ማቶይ ዳሪ ዳሪ ቢሰ። ጳውሎሲ ቲሴሎንቄ አሳሰ ፃፊዳ ናምዓንሉ ኪታይ፡ «ጎዳ ዩሳ ጋሳሳይ ማቲሰ» ያጊያ አማኖ ቲሚርቲያ ቦላ ሚንሲዲ ኦዴሰ። ጳውሎሲ ኦዲሽ፡ ኪሪሰቶሲ ያናፔ ሲንሱ፡ «ጌላ ኡራ» ጌቲቲያ ኪሪሰቶሳ ኢዳይሳ ካሌሱዋን ሃ አላሚያ ቦላ ኢታቲሱኔ ጌላቲሱ ዳሪሽ ባና ያጊዲ ኤንታ አማኑዋ ሱሪሴሰ።

ሃዋሬይ፡ ማቶይን ዋዬይ ዳሪኮካ ኤንቲ ባንታ አማኑዋን ሚናናዳ ኢኔ ኢያሪ ኢሲፊ ዴዔይሳቲ ኦሌይሳዳ፡ ኤንቲ ባንታ ዲሳሰ ኮሺያባ ዴማናው ሚኒዲ ኦሳና ማላ ቃሲ ሎዎ ኦሶ ኦሳናው ጉዬ ጎና ማላ ኤንታ ሚንሲዲ ዘሬሰ።

2 ቲሴሎንቄ ኪታ ኦይፊ ቆፋታ

ጌሎ ቆፋ 1:1-2

ጋላታኔ ዋሳ 1:3-12

ኪሪሰቶሳ ናምዓንሉ ዩሳባ ኢሜቲዳ ቲሚርቲ 2:1-17

አማኖ ዲሳ ዋጋ ቦላ ኢሜቲዳ ዘሬ 3:1-15

ኩሻ ቆፋኔ ሳርሶ 3:16-18

1 ጳውሎሲ፡ ሲላሴይኔ ፃሞቲዮሲ ቲሴሎንቄ ዋሳ ኬላን ዴዒያ፡ ያሳ አዋባኔ ጎዳ ዩሱሰ ኪሪሰቶሳባ ጊዲዳ አሳሰ ፃፊዳ ኪታ።

2 ያሳ ኑ አዋፔኔ ጎዳ ዩሱሰ ኪሪሰቶሳፔ ኦቶ ኬሃቲላይኔ ሳርቲላይ ሂንቲው ጊዳ።

ኪሪሰቶሲ ያ ዋዴ ሃናና ፒርዳ

3 ኑ ኢሻቶ፡ ሂንቲ አማኖይኔ ሂንቲ ኢሶይ ኢሱዋኔ ሃራታ ሲቁያ ሲቆይ ዳር ዲጨያ ጊሾ ኑኒ ሂሳሰ ያሳ ኡባ ዋዴ ጋላታናው ቤሴሰ። 4 ሂንቲና ጋኪዳ ጎዳኒኔ ዋዬ ኡባን ጌንጫኒኔ አማኖን ሚኒዲ ኤቁዳ ጊሾ ኑኒ ኑ ሁዔን ያሳ ዋሳ ኬላታን ሂንቲባ ማርካቲሽ ሂንቲናን ጨቁቶሰ።

1:1 ሃ.ኦ 17:1

5 ሂንቴ ኢያ ጊሾ ጊዲ ሜቶ ኤኪያ ያሳ ካዎቴላስ ቤሴይሳታ ጊዲዲ ታይቤታና ሜላ ያሳ ጁሎ ፒርዳስ ሃይሲ ማላ። 6 ያሳይ ቱማ ፒርዳ ፒርዳና። ያሳይ ሂንቴና ዋይሴይሳታ ቦላ ዋዬ ኤሃና። 7 ጎዳይ ዩሱሲ ባ ዋልቃማ ኪታንቸታራ፣ ታማ ላጮራ ሳሎፔ ያ ዋዴ ዋዬቲያ ሂንቴና ኑና ሼምፒሳና። 8 ቃሲ ያሳይ ባና ኤርናይሳታኔ ኑ ጎዳ ዩሱሲ ኪሪሰቶሳ ዋንጌላስ ኪቴቶናይሳታ ፒርዳና። 9 ኤንቲ ጎዳ ሲንላፊኔ ኢያ ቦንቹዋ ዋልቃፌ ቫኬቲዲ ሜሪና ቆዩዋን ፒርዳታና። 10 ሄ ጋላስ፣ ኢ ባይሳታኒኔ ባና አማኔይሳታ ኡባን ቦንቹታንዉኔ ሳቤታናው ያ ዋዴ ኑ ሂንቴው ኦዲዳ ኪታ ሂንቴ አማኒዳ ጊሾ ሂንቴ ኢያ ቦንቹይሳታ ጊደኒኔ ሳቤይሳታ ጊደን ዳና።

11 ኑኒ ሂንቴው ኡባ ዋዴ ያሳ ዋሴይ ሄሳሳ። ኑ ያሳይ ሂንቴና ጃጊዳ ዴቡዋስ ቤሴይሳታ ጊዲዲ ታይቤታና ሜላ ኑኒ ዋሶስ። ሂንቴ ሎያባ አላናው አሞቲያ አሙዋኔ ሂንቴ አማና ኦሱዋ ኢ ባ ዋልቃን ፖሎ። 12 ሄሳን ኑ ያሳኔ ኑ ጎዳ ዩሱሲ ኪሪሰቶሳ አቶ ኬሃቴላን፣ ጎዳ ዩሱሳ ሱንላ ሂንቴ ቦንቻና፤ ሂንቴናካ ኢ ቦንቻና።

2

ጌላ ኡራ

1 ኑ አሻቶ፣ ኑ ጎዳ ዩሱሲ ኪሪሰቶሳ ዩሳባኔ ኑ ኢያራ ጋሄታናው ሺቃናባስ ኑ ሂንቴና ዋሶስ። 2 ቲንቢቲን ዋይኮ ሃራ አሳፔ ሲዲዳ ቃላን ዋይኮ ኑፔ ኤኪዳ ኪታዳ ኦሊዲ፣ «ጎዳ ጋላሳይ ጋኪስ» ጊዲ ሂንቴ ዋዛናይ ዳጋሞፎኔ ዋባቆፖ። 3 ሂንቴና ኦኒካ አይ ኦኒካ ባሌላፎ። ካሴቲዲ ዉርሴላ ኡራ ጌላቴላይ ቆንጮናኔ ቆዩይ ቤሲያ ጌላ ኡራይ ዮና ዴሲሺን፣ ጎዳ ጋላሳይ ጋኬና። 4 አሲ ጎይኒያባኔ ያሳያባ ኡባ ኢ ኢፃናኔ ባና ቆቁ አላና። ሃሪ አቶሺን፣ ያሳ ኬላ ጌሊ ኡቲዲ፣ «ታኒ ያሴ» ጋና።

5 ታኒ ሂንቴራ ዴባሼ ሂንቴው ኦዲዳይሳ አኬኬኬቲ? 6 ኢ ባ ጋላሳን ያናፔ አቲን ሃራ ዮናዳ አይቤ ኢያ ቲቂያኮ ኤሬታ።

7 አሳስ ቆንጪቦና ጌላቴላ ፀራ ዋልቃይ ሃራካ ኦሌስ፣ ሺን ሃራ ኢያ ቲቂይሲ ዴባስ። ኢያ ቲቂይሲ አጌፔ ኪቻና ጋካናው ኢ ቆንጪቮና። 8 ሄሳፌ ጉዬ፣ ጌላ ኡራይ ቆንጫና፣ ሺን ጎዳ ዩሱሲ ባ ደናፔ ኬያ ሼምፑዋን ባ ቦንቸ ዩሳን ኢያ ዋቆና። 9 ጌላ ኡራይ ያላሂያ ዋልቃን ዩዲ ዋርዶ ማላታታኔ ማላሊሲያባታ

ኦሳና። 10 ሃሳዳካ፣ ጳዮስ ደዲያ አሳታ ደማ ደማ ጨሚያ ኢታ ኦሶን ባሌላና። ኤንቲ ጳዩዳይ ኣሺያ ቱማ ደሲዲ ኤኮና ኢዲዳ ጊሾሳ። 11 ሃሳ ጊሾ፣ ኤንቲ ዋርዶ ጊዲያባ አማናና ማላ ያሳይ ዋልቃማ ባሌሶ ኤንታ ቦላ ዬዳና። 12 ሄሲካ፣ ቱማ አማናና አሳቲ፣ ናጋራ ኦሶን ኡፋይቲሳቲ ኡባይ ፐርዴታና ማላሳ።

አቶቴላስ ዶሬቲዳ አሳታ

13 ጎዳይ ደሲያ ኑ አሻቶ፣ ኮኒ ያሳ ሂንቴ ጊሾ ኡባ ዋዴ ጋላታናው ቤሴስ። ሂንቴ አታና ማላ ያሳይ ጌሻ አያና ዋልቃን ሂንቴና ጌሺዳይሳኔ ሂንቴካ ቱማ አማኒዳይሳን ኢ ሂንቴና ባይራዳ ዶሪስ። 14 ያሳይ፣ ኑ ሂንቴው ኦዲዳ ዋንጌላ ባጋራ ሂንቴና ጃጊዳይ፣ ሂንቴ ኑ ጎዳ ዬሱስ ከሪስቶሳራ ኢሲፌ ቦንቹታናሳ። 15 ሂዛ፣ ኑ አሻቶ፣ ማኒዲ ኤቁቲ። ኮኒ ሂንቴና ኑ ደናን ጊዲን ዋይኮ ዳብዳቢያን ጊዲን ታማርሲዳ ቲሚርቲያ ኦይኪቲ።

16-17 ያሳይ ኑ አዋይ ኑና ደሴስ። ኢ ኑስ ኬሃ፤ ኢ ማሪና ሚንሌሶኔ ሎዎ ኡፋይሳ ኑስ አሚስ። ሂንቴ ኡባ ዋዴ ሎዎባ ኦሳናዉኔ ኦይታናው ኢ ሚንሌሳና ማላኔ ማዳና ማላ ኑ ጎዳ ዬሱስ ከሪስቶሳኔ ያሳ ኑ አዋ ዋሶስ።

3

ኑስ ዋሲቲ

1 ዉርሴሳን ኑ አሻቶ፣ ጎዳ ቃላይ ሂንቴ ጊደን ኤሌሲዲ ዳልጋናዳኔ ቦንቹታናዳ ኑስ ዋሲቲ። 2 ሃሳዳካ፣ አሲ ኡባይ ቃላ ሲዲዲ አማናና ጊሾ ያሳይ ጌላታፔኔ ኢታ አሳታፔ ኑና አሻና ማላ ኑስ ዋሲቲ።

3 ሺን ጎዳይ አማኔቲዳይሳ፤ ኢ ሂንቴና ሚንሌሳናኔ ያላሄፔ ናጋና። 4 ኮኒ ሂንቴና ከቲይሳ ሃዲካ ሲንፋፊካ ሂንቴ ኦሳናይሳስ ጎዳን ኮኒ አማኔቶስ።

5 ጎዳይ ሂንቴ ዋዛና ያሳ ሲቁዋኮኔ ከሪስቶሳ ዳንዳዓኮ ካሌሶ።

ኦሶ ቢሎና ደዲቲ

6 ኑ አሻቶ፣ ሂንቴ ኑፔ ኤኪዳ ከታ ካሎናይሳታፔኔ ኦሶ ቢሊያ አዛላ አማኒያ አሳታፔ ሂንቴ ሻኬታናዳ ጎዳ ዬሱስ ከሪስቶሳ ስንፋን ሂንቴና ከቶስ። 7 ኑዳ ሃኒዲ ደናው ቤሴይሳ ሂንቴ፣ ሂንቴ ሁዔን ኤሬታ። ኮኒ ሂንቴራ ደዲያ ዋዴ ኦሶ ቢሊቦኮ። 8 ኮኒ ኦዴፊካ ካሊ ማላ ሚቦኮ። ኑስ ዳንዳዔቲዳ ማላ ቃማኔ

ጋላስ ኦሊ ደቡሪዲ ዳዲዳፔ ኣቲን ኦዴሰካ ቶሆ ገዲቦኩ።
9 ኦኒ ሄሳ ኦሊዳይ፣ ሂንቴው ሌሚሶ ገደናሳፌ ኣቲን ሂንቴፌ
ማዴ ኦይቻናው ኦስ ማቲ ጳዩና ገዴና። 10 ኦ ሂንቴራ ዳዲያ
ዋዴካ፣ «ኦላናው ኮዮና ኣሲ ኦኒካ ሞፖ» ያገዲ ከቲዳ።

11 ኦኒ ሄሳ ገዴይ፣ ሂንቴ ገዴን ኢሲ ኢሲ ኣዛላቲ
ዴዴይሳ ሰዲዳ ገሾሳ። ሄ ኣሳቲ ጌልሶናባን ጌሊዲ ሃራታ ኦሶ
ቢሊሶሶናፔ ኣቲን ኣይኮካ ኦሶኮና። 12 ኦኒ ሄሳ ማላ ኣሳቲ ማራ
ዴዎ ደናዳኔ ባንታና ኮሺያባ ኦሊዲ ዴማናዳ ጎዳ ዩሱስ ከሪሰቶሳ
ሱንላን ኤንታ ከቶሲኔ ዘርሰ።

13 ሺን ኦ ኣሻቶ፣ ሎዎ ኦሶ ኦላናው ኣዛሎፊቴ። 14 ሃዲ ኦኒ
ሃ ዳብዳቢያን ከቲዳ ከታሰ ከቴቶና ኣሲ ኦኒካ ዴዲኮ ሄ ኡራ
ኤሪቴ። ኢ ዩላታና ማላ ኢያፔ ሻኬቲቴ። 15 ሺን ኢያ ኣሻዳ
ሴሪቴፔ ኣቲን ሞርኬዳ ያሎፊቴ።

ዉርሴላ ሳርታ

16 ሳር ኢሚያ ጎዳይ፣ ባ ሁዔን ሂንቴው ኡባ ዋዴኔ ኡባ ባጋራ
ሳር ኢሞ። ጎዳይ ሂንቴ ኡባራ ገዴ።

17 ታኒ ጳዉሎሲ፣ ሃ ከታ ታ ኩሺን ፃፋሰ። ታ ከታ ኡባሰ
ማላይ ሃይሳ፤ ታኒ ሄሳዳ ፃፋይሰ።

18 ኦ ጎዳ ዩሱስ ከሪሰቶሳ ኣጼ ኬሃቴላይ ሂንቴ ኡባራ ገዴ።

ኦራሳ ጩቂዋ ጎፋላ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source
files dated 29 Jan 2022

c35d6c73-3843-5482-b53e-7559d35deee5